



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU SNAGE CENTRA

Broj: 03-07-6-628/17
Sarajevo, 06.08.2018. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Snage centra za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Snaga centra prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Snage centra za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Snaga centra se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	75.260,00	84,42
3.	Prilozi pravnih lica (3-b)	5.000,00	5,74
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	4.324,58	4,97
8.	Prihodi od propagande (3-g)	0,00	0,00
I	Ukupni prihodi (1-8)	84.584,58	97,13
II	Ostali prihodi i drugo	2.500,00	2,87
	Izvori finansiranja (I+II)	87.084,58	100,00

U godišnjem finansijskom izvještaju za 2016. godinu Snaga centra iskazala je rashode u iznosu od 90.632,20 KM.

2. PREDSTAVLJANJE POLITIČKE STRANKE

Naziv političke stranke: Snaga centra.

Stranka je registrovana kod Općinskog suda u Zenici, rješenjem broj: 043-0-F1-16-000001 od 16.05.2016. godine.

Sjedište političke stranke je u Zenici, Titova 61.

Ovlaštena lica za predstavljanje stranke su: Eldin Vrač, predsjednik stranke i Adnan Šabani, podpredsjednik stranke¹.

Lice ovlašteno za finansijske izvještaje za 2016. godinu je Zlatan Mašić.

Prema podacima iz godišnjeg finansijskog izvještaja za 2016. godinu, Snaga centra nema niže nivoe organizovanja.

¹ Podaci o predstavljanju stranke su preuzeti iz Rješenja Općinskog suda u Zenici broj: 043-0-F1-16-000001 od 16.05.2016. godine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Snage centra za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskog izvještaja Snage centra obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava i troškova kampanje.

4. PRETHODNE KONTROLE I REVIZIJE

Pregled i kontrola finansijskog izvještaja obavlja se prvi put.

5. NALAZI I PREPORUKE

5.1. NALAZI

Pregledom godišnjeg finansijskog izvještaja za 2016. godinu, utvrđeno je da je Snaga centra prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Snaga centra nije pravilno evidentirala prihode i rashode, finansijski izvještaj nije popunila u skladu sa odredbama Pravilnika o godišnjim finansijskim izvještajima političkih stranaka- u daljnjem tekstu: Pravilnik i nije dostavila dodatnu dokumentaciju, čime je prekršila odredbu člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

- (1) Snaga centra nije u obrascu 1 (Opći podaci o političkoj stranci) unijela podatke o sjedištu, nazivu suda u kojem je izvršena registracija, te broju i datum upisa u sudski registar, čime je prekršila odredbe člana 9. Pravilnika.
- (2) Pregledom godišnjeg finansijskog izvještaja utvrđeno je da obrasci 3 (izvori finansiranja političke stranke) i 3-a (prilozi fizičkih lica) nisu popunjeni u skladu sa odredbama čl. 13. i 14. Pravilnika.

Stranka je na obrascu 3 iskazala ostale prihode u iznosu od 2.500,00 KM. Kontrolom prometa izvoda sa transakcijskog računa, utvrđeno je da su dana 19.05.2016. godine uplaćena sredstva prikupljena na osnivačkoj skupštini od 50 članova.

S obzirom da se radi o prilozi fizičkih lica, stranka je imala obavezu da ove priloge iskaže na obrascu 3-a godišnjeg finansijskog izvještaja.

- (3) Služba za reviziju je utvrdila da je Snaga centra u poslovnim knjigama i obrascima rashoda 4 i 4-1 godišnjeg finansijskog izvještaja iskazala rashode u većem iznosu za 2.000,00 KM u odnosu na ostvarene, čime je prekršila odredbe čl. 21. i 22. Pravilnika.

Uvidom u izvode sa transakcijskog računa, utvrđeno je da je stranka uplatila taksu za ovjeru političke stranke na Lokalnim izborima 2016. godine u iznosu od 2.100,00 KM, koliko je i iskazala u poslovnim knjigama i na obrascu 4-1 finansijskog izvještaja.

Kako su stranci Odlukom Centralne izborne komisije Bosne i Hercegovine vraćena sredstva u iznosu od 2.000,00 KM, stranka je po osnovu takse za ovjeru ostvarila troškove u iznosu od 100,00 KM, koliko je trebala i iskazati u poslovnim knjigama i godišnjem finansijskom izvještaju.

- (4) Dana 07.09.2017. godine, Centralna izborna komisija Bosne i Hercegovine je stranci uputila zahtjev za dostavljanje dodatne dokumentacije broj: 03-07-6-628-2/17, kojim je zatraženo da dostavi: bruto bilans stranke na dan 31.12.2016. godine, glavnu knjigu sa kompletnim analitičkim evidencijama stranke za period 01.01.-31.12.2016. godine, dokumentaciju o korištenju poslovnih prostora u 2016. godini, kopiju izdatih potvrda o primljenim priložima fizičkih i pravnih lica koji su iskazani na obrascima 3-a i 3-b, kopiju godišnjeg obračuna (završenog računa) za 2016. godinu ovjerenog od nadležnih institucija u Bosni i Hercegovini, izvode otvorenih stavki sa stanjem obaveza na dan 31.12.2016. godine prema pravnim licima IC Štamparija Mostar i Aktiva Plus Zenica i kopiju izvoda sa transakcijskog računa stranke broj: 1995130021603073 otvorenog kod Sparkasse bank za period 01.01.-31.12.2016. godine.

S obzirom da Snaga centra nije postupila u skladu sa zahtjevom Centralne izborne komisije Bosne i Hercegovine, odnosno nije dostavila potvrde o primljenim donacijama od fizičkih i pravnih lica, prekršila je odredbe člana 12. stav (5) Zakona o finansiranju političkih stranaka.

Troškovi predizborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije Bosne i Hercegovine, Snaga centra je u svrhu izborne kampanje mogla da potroši 64.527,60 KM.

Snaga centra je u postizbornom i godišnjem finansijskom izvještaju za 2016. godinu iskazala troškove kampanje u iznosu od 29.723,60 KM.

5.2. PREPORUKE

Preporučuje se političkoj stranci Snaga centra da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi pravilne evidencije o svojim prihodima i rashodima,*
- *da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju.*

² Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

KOMENTAR

U ostavljenom roku, Snaga centra nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić